

ODLUKA
O PRIHVATANJU ZADUŽENJA PO UGOVORU O ZAJMU IZMEĐU
BOSNE I HERCEGOVINE I EVROPSKE BANKE ZA OBNOVU I RAZVOJ
ZA REALIZACIJU PROJEKTA KORIDOR Vc
MOSTAR SJEVER - MOSTAR JUG

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), Parlament Federacije Bosne i Hercegovine je, na sjednici Predstavničkog doma, održanoj 24.7.2024. godine i na sjednici Doma naroda, održanoj 5.9.2024. godine,
d o n i o

ODLUKU
O PRIHVATANJU ZADUŽENJA PO UGOVORU O ZAJMU IZMEĐU
BOSNE I HERCEGOVINE I EVROPSKE BANKE ZA OBNOVU I RAZVOJ
ZA REALIZACIJU PROJEKTA KORIDOR Vc
MOSTAR SJEVER - MOSTAR JUG

I

Prihvata se zaduženje Federacije Bosne i Hercegovine (u daljnjem tekstu: Federacija) po Ugovoru o zajmu između Bosne i Hercegovine i Evropske banke za obnovu i razvoj (u daljnjem tekstu: EBRD) za realizaciju Projekta Koridor Vc Mostar Sjever - Mostar Jug (u daljnjem tekstu: Projekat) u iznosu do 220.000.000,00 EUR-a.

II

Sredstva zajma iz tačke I ove odluke koristit će se za izgradnju dvije petlje autoceste Mostar Sjever i Mostar Jug, izgradnju dionice autoceste u dužini od 15 km između ove dvije petlje i izgradnju ceste s dvije trake koja povezuje ove petlje s postojećom magistralnom cestom M17. Očekuje se da će dionica imati 5 tunela i 10 vijadukta na svakom od dva kolovoza.

III

Sredstva zajma iz tačke I ove odluke odobravaju se Federaciji pod sljedećim uslovima:

- rok otplate.....15 godina
- grace period..... 4 godine (uključen u rok otplate zajma)
- kamatna stopa.....šestomjesečni EURIBOR + 1% marža na godišnjem nivou
- jednokratna provizija1% na iznos glavnice zajma
- visina provizije na neiskorištena sredstva..... 0,5% godišnje
- dospijeća.....polugodišnje u jednakim otplatama glavnice
- datum plaćanja glavnice i kamata.....31. maj i 30. novembar svake godine.

IV

Potvrđuje se da je razmatrana dokumentacija prihvatljiva za Federaciju, a posebno:

- Ugovor o zajmu između Bosne i Hercegovine i EBRD-a,
- Nacrt Ugovora o podršci zajma između EBRD-a i Federacije,
- Usaglašeni Zapisnik s pregovora.

V

Sredstva zajma iz tačke I ove odluke Federacija će prenijeti na osnovu zajma na Javno preduzeće Autoceste Federacije Bosne i Hercegovine d.o.o. Mostar (u daljnjem tekstu: JP Autoceste), koje je krajnji korisnik i dužnik po ovom zaduženju.

U periodu implementacije Projekta u budžetu Federacije nije potrebno osigurati finansijska sredstva za dodatno sufinansiranje Projekta.

VI

Zadužuje se Federalno ministarstvo finansija da sa JP Autoceste usaglasi i sklopi odgovarajući Podugovor o zajmu kojim će, u svrhu redovne otplate, definirati uslove vraćanja sredstava koja se prenose na kreditnom osnovu.

VII

Daje se saglasnost za zaključivanje Supsidijarnog ugovora između Bosne i Hercegovine i Federacije i Podugovora o zajmu između Federacije i JP Autoceste za zajam iz tačke I ove odluke.

Za potpisivanje Supsidijarnog sporazuma i Podugovora o zajmu ovlašćuje se federalni ministar finansija.

VIII

Za realizaciju ove odluke i izvještavanje zadužuju se Federalno ministarstvo finansija, Federalno ministarstvo prometa i komunikacija i JP Autoceste, svako u okviru svoje nadležnosti.

IX

Implementacija Ugovora iz tačke I ove odluke ne zahtijeva donošenje novih ili izmjenu postojećih zakona.

X

Ova odluka stupa na snagu narednog dana od dana objavljivanja u "Službenim novinama Federacije BiH".

PFBiH, broj: 01,02-11-788/24
Sarajevo, 5.9.2024. godine

PREDSJEDAVALJUĆI
PREDSTAVNIČKOG DOMA
PARLAMENTA FEDERACIJE BiH

Dragan Mioković

PREDSJEDAVALJUĆI
DOMA NARODA
PARLAMENTA FEDERACIJE BiH

Tomislav Martinović